

SINDIKALNA PODRUŽNICA

P R A V I L A

**SINDIKALNE PODRUŽNICE
ZAPOSLENIKA**

20__god.

Na osnovu izraženih interesa i zahtjeva zaposlenika „_____“ u _____
i Statuta Sindikata radnika trgovine i uslužnih djelatnosti BiH, Skupština Sindikalne
podružnice održana __. __.20__godine, **d o n o s i:**

P R A V I L A

SINDIKALNE PODRUŽNICE

0

„_____“

Opšte odredbe

Član 1.

Sindikalna podružnica Društva „_____“ u _____, je samostalna, dobrovoljna i interesna organizacija svoga članstva, nezavisna od državnih organa i institucija, partija, organa upravljanja i poslovnih organa društva.

U sindikalnoj podružnici društva izražavaju se i ostvaruju pojedinačni i zajednički interesi zaposlenika, odnosno članova Sindikata.

Sindikalna podružnica društva dobrovoljno se učlanjuje u Sindikat radnika trgovine i uslužnih djelatnosti BiH radi usaglašavanja, izgrađivanja i ostvarivanja zajedničkih interesa svojih članova i zaposlenih u djelatnosti trgovine, ugostiteljstva i turizma BiH.

Odluku o učlanjenju sindikalne podružnice u STBiH donosi Skupština sindikalne podružnice.

Sindikalna podružnica društva radi ostvarivanja zajedničkih interesa društveno-političke i ekonomske zajednice je član regionalnog povjereništva STBiH

Član 2.

Sindikalna podružnica u svom djelokrugu polazi od sljedećih principa:

- zaštititi i unapređivanju položaja zaposlenika, ostvarivanje odgovarajućih zarada i za zaposlene stimulatívne podjele dobiti;
- razvoj društva, sigurnosti zaposlenja zaposlenika, njihovom socijalnom položaju i humanizaciji rada;
- poboljšanje uslova rada, zaštiti na radu i zdravoj radnoj okolini;
- zaštititi i ostvarivanju prava iz rada i na osnovu rada, uključujući zastupanje članova u radnim sporovima;
- nadzoru primjene Kolektivnog ugovora, statuta i drugih opštih akata društva,

- ostvarivanju prava zaposlenih u donošenju odluka i suodlučivanju u društvu;
- osiguravanju slobode i uslova sindikalnog djelovanja u društvu;

Članstvo

Član 3.

Zaposlenici se u Sindikalnu podružnicu učlanjuju dobrovoljno na osnovu svojih interesa i u cilju njihovog ostvarivanja prihvatajući ova Pravila i Program sindikalne podružnice, bez obzira na svoja politička opredjelenja, nacionalnu i vjersku pripadnost i pol.

Učlanjivanje se vrši u Sindikalnoj podružnici društva potpisivanjem pismene pristupnice STBiH kojom član također potvrđuje prihvaćanje odredbi Statuta STBiH i njegove programske ciljeve.

Učlanjenjem član dobija člansku knjižicu kojom dokazuje članstvo u STBiH.

Član 4.

Član sindikalne podružnice ima prava i obaveze:

- pomoć i zaštitu u ostvarivanju prava na rad i po osnovu rada
- materijalnu pomoć u određenim situacijama, korištenje sindikalne kase uzajamne pomoći i besplatnu pravnu pomoć u radnom sporu
- organizaciju i pomoć prilikom odmora, kulturnih aktivnosti i nabavke životnih potrepština
- organizovanu pomoć Sindikata u obrazovanju, prekvalifikaciji i stručnom osposobljavanju.
- pravo na kontrolu rada, izbor i opoziv svih rukovodstava Sindikata i pravo da bude biran u sindikalne organe
- obaveza člana je da se pridržava Statuta STBiH, ovih pravila i programskih ciljeva Sindikata
- obaveza člana sindikata je da redovno plaća sindikalnu članarinu
- da aktivno učestvuje u radu sindikalne podružnice

Kriterij i način ostvarivanja pojedinih prava utvrđuje povjereništvo Sindikalne podružnice.

Član 5.

Članstvo u sindikalnoj podružnici prestaje:

- Svojevoljnim istupanjem uz pisanu izjavu da više ne želi biti član STBiH;
- Ako bez opravdanog razloga tri (3) mjeseca u toku godine ne plati članarinu;
- Ako je odlukom nadležnog tijela isključen iz članstva STBiH.

Član 6.

Član može biti isključen iz Sindikata ako je očigledno ili se dokaže da je:

- pronevjerio sindikalnu imovinu,

- djeluje u organizaciji koja se neprijateljski odnosi prema Sindikatu
 - odbije sudjelovati ili ometa akcije koje provodi Sindikat.
- Odluku o isključenju donosi povjereništvo sindikalne podružnice.

Član 7.

Član Sindikata kojem je izrečena mjera isključenja iz Sindikata ima pravo žalbe u roku od 15 dana od dana prijema Odluke i to:

- na Odluku Sindikalnog povjereništva skupštini sindikalne podružnice,
- na Odluku sindikalne podružnice statutarnoj komisiji STBiH,
- na Odluku Statutarne komisije STBiH, Upravnom odboru STBiH.

Član 8.

Član Sindikata koji je brisan iz evidencije ili isključen iz članstva može na vlastiti zahtjev ili inicijativu sindikalnog povjereništva sindikalne podružnice ponovo biti primljen u članstvo Sindikata.

ORGANIZOVANOST SINDIKATA

Član 9.

U Društvu se organizuje jedna Sindikalna podružnica.
Sindikalno povjereništvo broji 5 članova.
Jedan od članova sindikalnog povjereništva je sindikalni povjerenik.

Član 10.

Sindikalni organi sindikalne podružnice su Sindikalno povjereništvo i Odbor za reviziju.

Član 11.

Izbor članova Sindikalnog povjereništva vrši se tajnim ili javnim glasanjem unutar organizacione jedinice između jednog ili više kandidata.

Svaki član STBiH ima pravo biti biran u sindikalno povjereništvo. Ukoliko ne postoji koncenzus u broju kandidata u organizacionoj jedinici sindikalne podružnice ista Skupštini dostavlja proširenu listu kandidata.

Delegati Skupštine Sindikalne podružnice na osnovu liste kandidata dostavljene od strane organizacione jedinice aklamacijom biraju članove sindikalnog povjereništva.

Mandat organa sindikalne podružnice je 4 /četiri/ godine

U slučaju da se Skupština Sindikalne podružnice ne održi u okviru predviđenog mandata STBiH donosi odgovarajuću odluku.

Član 12.

Glavnog sindikalnog povjerenika kao i njegovog zamjenika bira sindikalno povjereništvo podružnice.

Član 13.

Odbor za reviziju u podružnici broji 3 člana i bira ga Skupština.

Odbor za reviziju vrši kontrolu finansiranja i korištenja finansijskih sredstava i ukupne sindikalne imovine i o tome najmanje jednom godišnje informiše članstvo.

Odbor za reviziju je dužan sačiniti poslovnik o svome radu.

Članovi sindikalnog povjereništva ne mogu biti članovi Odbora za reviziju.

Član 14.

Sindikalno povjereništvo sindikalne podružnice zauzima stavove i zaključke, donosi i predlaže način rješavanja pitanja koja utiču na ekonomski, materijalni i socijalni položaj radnika.

Sastanak sindikalnog povjereništva se održava najmanje tri puta godišnje.

Sindikalno povjereništvo ima obaveze:

- zaštita prava radnika iz rada i po osnovu rada,
- davanje inicijative mišljenja i prijedloga u vezi s odlukama koje su značajne za rad i poslovanje društva a koje se bitno odražavaju na položaj radnika,
- nadzor nad prihvaćenim inicijativama i odlukama Sindikata,
- pregovaranje i potpisivanje Kolektivnog ugovora na nivou društva, a po punomoći predsjednika Sindikata
- prikupljanje podataka potrebnih za pregovaranje o zaradama i utvrđivanje tehnoloških viškova,
- pregovaranje o kriterijima tehnološkog viška i načina njegovog rješavanja,
- kontrola provođenja zakona kojima se uređuju prava radnika iz rada i na osnovi rada opštih akata i kolektivnih ugovora,
- poboljšanje uslova rada, zaštite na radu, kontrola zaštite na radu, briga za radnu okolinu, za povratak svih radnika na svoju imovinu i svoje radno mjesto.
- obezbjeđuje pretpostavke da svi članovi podružnice redovno plaćaju sindikalnu članarinu,
- odgovorno je za plaćanje kolektivne članarine, kao i da se sredstva koje ostaju Podružnici troše isključivo za organizovanje, vođenje i unapređivanje sindikalne aktivnosti.
- provođenje odluka viših organa Sindikata
- jednom godišnje podnosi finansijski izvještaj I izvještaj o radu članstvu i STBiH

Član 15.

Sindikalno povjereništvo u svom djelovanju polazi od stavova Skupštine sindikalne podružnice kao i od stavova regionalnog povjereništva STBiH i Sindikata radnika trgovine Bosne i Hercegovine.

Svoje stavove, zaključke i odluke sindikalno povjereništvo izgrađuje i donosi na osnovu usaglašavanja prijedloga, mišljenja i sugestija izraženih u sindikalnim organizacionim jedinicama i podružnici.

U ostvarenju interesa članstva sindikalno povjereništvo koristi sva legalna sredstva sindikalne borbe kao što su isticanje zahtjeva prema odgovarajućem organu, pregovaranje, dogovaranje, bojkot i dr.

U slučaju da se opravdani zahtjevi radnika ne riješe drugim sredstvima sindikalne borbe, sindikalno povjereništvo organizuje i vodi štrajk radnika u skladu sa zakonom i Pravilima o štrajku.

Član 16.

Sindikalni povjerenik

- predstavlja sindikalnu podružnicu,
- saziva i rukovodi radom povjereništva,
- izvršava njihove odluke,
- zastupa interese članstva pred organima preduzeća, i institucijama u sistemu i STBiH
- vrši i druge poslove.

Radi ostvarivanja svojih prava, članovi Sindikata najprije se obraćaju sindikalnom povjereniku.

Povjerenik je dužan inicijative i zahtjeve članova proslijediti nadležnim tijelima.

Član 17.

Odnosi i odlučivanje

Sindikalna podružnica svoj rad zasniva na principu prema kojima:

- svoje stavove i zaključke i odluke izgrađuje u demokratskoj raspravi članstva,
- samostalno i odgovorno ostvaruje svoje funkcije u skladu sa interesima članstva i odgovorna je za ostvarivanje stavova i odluka svojih organa,
- članovi organa imaju pojedinačnu odgovornost za izvršavanje vlastitih obaveza u Sindikatu,
- svi članovi organa mogu se smjeniti, razriješiti sa funkcije i opozvati ukoliko ne sprovode stavove, odluke i zaključke organa sindikalne organizacije,
- sindikalna podružnica i njeni organi mogu punovažno raditi ako im prisustvuje natpolovična većina ukupnog broja članova, a odluke su punovažne ako se za njih izjasni većina ukupnog broja članova,
- organi sindikalne podružnice razvijaju različite oblike informisanja članstva i međusobnog informisanja.

Član 18.

Materijalna osnova za rad sindikalne podružnice

Materijalnu osnovu za rad sindikalne podružnice čine sredstva prikupljena od članstva putem članarine, kao i eventualna pomoć društva i donacija.

Sredstva sindikalne članarine troše se isključivo za organizovanje, vođenje i unapređivanje sindikalne aktivnosti u sindikalnoj podružnici .

Visina sindikalne članarine na osnovu odluke Upravnog odbora STBiH iznosi **3 KM po članu** i uplaćuje se na transakcijski račun STBiH.

Sindikalna podružnica radi u skladu sa Pravilnikom o materijalno finasijskom poslovanju STBiH

Član 19.

Sindikalna podružnica ima ovlaštenja u pravnom prometu za sklapanje svih vrsta ugovora iz djelatnosti Sindikata, osim ugovora o prometu nekretninama.

Pečat sindikalne podružnice

Član 20.

Pečat sindikalne podružnice sadrži: amblem STBiH i obodno upisane riječi: Sindikat radnika trgovine BiH, a u unutrašnjosti pečata Sindikalna podružnica.

Član 21.

Obavljanje stručnih i administrativno-tehničkih poslova za organe sindikalne podružnice vrši se u stručnim službama društva na način utvrđen Kolektivnim ugovorom o prvima i obavezama zaposlenika i poslodavaca za djelatnost trgovine, ugostiteljstva i turizma na području FBiH ili pravilnikom društva.

Prelazne i završne odredbe

Član 22.

Ova Pravila stupaju na snagu danom usvajanja na Skupštini sindikalne podružnice zaposlenika

Izmjene i dopune ovih Pravila vrši se po postupku kojim je i donesen.

**PREDSJEDAVAJUĆI
RADNOG PREDSJEDNIŠTVA
SKUPŠTINE**
